

سنه لکی درساعت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانیه محاکمه علییه

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر
اعلاناتک بهرنیدن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

تجربیات

پرشته سنجایی بدایت محکمه سی مدعی عمومی
معاونی فتولو یوسف نوری افندی به رتبه رابعه
توجیه بیورلشددر.

اخطار مخصوص

جریده محاکم عدلیه اضیاری اوله رو آبونه اولور
آرزوسنده بولنامه ذرانک اول امرده مذکور غزنه نك
برسنه نك بدلی عدلیه نظارت جلیله سی دائره سنه جریده
محاکم عدلیه اداره سنه تسلیم وارسال ایلملری لازم کله جکی
اخطار اولنور.

تبلیغات

متوفی محمود سامی افدینک پول جزای تقدیسندن
طولانی محکوم اولدینی درت بیک غروشک وره سنندن
تحصیلی استعدا قلنمقدن ناشی اولباده بغداد ولایتی مرکز
بدایت محکمه سی حقوق دائره سی ریاستندن اعطا اولنان
مذکرده بیان اولدینی وجهله تمغا جزای تقدیسی سائر
جرائم کبی طوغریدن طوغری به فاعله عائد اولوب وفاتیه
فعل وحرکتندن وره سننک مسؤل اولماسی لازم کله جکی
حقننه محکمه تمیز حقوق دائره سننک مذکرده سی
اوزینه شورای دولتن تنظیم اولنان مضبطه نك حکمی
وقوع دعوان اول وفات ایدنلر حقننه اولوب بویله
تمیزاً تصدیق قلنمش اولان حکمدن صکره وفات
ایدنلره شامل اوله میه جکی دیون عمومیه وکیلی طرفندن
در میان ایدلمکده اولدیغنه وهرنه قدر سالف الذکر
تمیز حقوق دائره سننک مذکرده سی وقوع دعوان
اول وفات ایدنلر حقننه ایسه ده شورای دولت
مضبطه سننده بوجهت تفریق اولنلوب تمغا جزای
تقدیسی اولمق اوزره متوفانک محکوم اولدینی مبلغ
ایچون وره نك مسؤل اوله میه جکی صورت مطلقه ده محرر
بولندیغنه نظراً اقتضاسنک تعینی حقننه بغداد استیناف
محکمه سی مدعی عمومیلکندن وارد اولان تحریرات اوزینه
ایجاب کیفیت انجمن عدلیه جلدی التذکر بر شخصک حال

حیاتنده کندوسندن آرانیلان جزای تقدیدن
طولانی بعد وفاته وره سننک مسؤل اوله میه جگنه دائر
تمیز حقوق دائره سنندن تنظیم قلنسان مذکره اگرچه
قبل الدعوی وفات ایدنلر حقننه ایسه ده مبتنی اولدینی
اسباب موجهه اعتباریه مجازات قانونیه ده نیابت جاری
اولماسی اساسه مستند اوله رق بواساس اقتضاسنجه
کرك محکوم وکرك غیر محکوم بولنسون بر شخص
حقننه ترتب ایدن جزای قانونی وفاتی سببیه شخص
آخره انتقال ایتیموب بالکلیه ساقط اوله جکی کبی
شورای دولت مضبطه سننده ده بوجهت نظر مطالعیه
آله رق وره نك عدم مسؤلیتی صورت مطلقه ده ذکر
وبیان قلنمش اولسنه کوره تمیز حقوق دائره سننک
سالف الذکر مذکرده سننده وقوع دعوان اول وفات
ایدنلرک عدم مسؤلیت بچشنده سبب اتخاذ ایدلمش اولسی
وره نك عدم مسؤلیتی ناطق اولان شورای دولت
مضبطه سننک تخصیص حکمی ایجاب ایتیه جکندن
اولباده مذکور مضبطه احکامنه توقیق معامله اولنسی
لازم کله جکی انجمن مذکور دن افاده قلنمش اولمغه اکا
کوره ایجابنک اجرایی جواباً مذکور مدعی عمومیلکه
تبلیغ اولنشددر.

اعلامات جزائیه ایله محکوم اولوبده تحصیل
اولنه مامسندن طولانی سنه آتییه دور اولنان بقایا
ایچون آله حق کفالتنامه لک مدعی عمومی طرفندمی
یوقسه مأمور مخصوصی جانبندمی تصدیق ایتدیرلمسی
لازم کله جکی واشبو کفالتنامه لک اجرا مأمورینک
بونلری تحصیله وظیفه دار اولدینی زمانده آلمان
کفالتنامه لک مزیتتی حائز یعنی کفیلک امتناعی حالنده
ثبوت اقتدارینه حاجت قالمقسنرین حبسی جائز اولوب
اولمدینی استفسارینه دائر خداوندکار ولایتی مرکز
بدایت محکمه سی ریاست اولاسندن وارد اولان
تحریرات اوزینه معامله رسمیه اجراسنه اساس اوله حق
بوکی کفالت سندلرینک مقاولات محررلکی جانندن
تصدیق ایتدیرلمسی لزومی جای تردد اولمدینی کبی
حکمی اجرا اولنق اوزره بولنسان اعلامک حاوی
اولدینی مبالغه دائر آلمان کفالت سندلرینک دخی

موقع اجراده آلمان کفالتنامه لردن فرقی اولیه جکی
جهتله اولباده جاری اولان اصول مقررده دائره سننده
اجرای معامله اولنسی اقتضایده جکی جواباً ریاست
مذکوره به تبلیغ ایدلمشددر.

جانب خزینهنه دن مجوزاً دائره اجراده موقع
مزایده به قونیلان ذخایر وسائر اموال منقوله نك خزینه
نامه محلی مال مدیرلکی جانندن مبیاعه سیچون سوریلان
پی قیمت حقیقه دن دون اولدیغندن بختله اموال غیر
منقوله نك خزینه نامه تفوضنده جاری اولدینی اوزره
مجلس اداره و محکمه هیئتلرندن متشکل قومیسسیون
معرفتیله تقدیر قیمت اوله رق اکا کوره پی سوردیرلمسی
قاعد سننک اموال منقوله ده دخی تطبیق اولنوب
اولنیه جکی حقننه اشقودره ولایتی استیناف محکمه سی
مدعی عمومیلکندن وقوع بولان اشعاره قومیسسیون
معرفتیله تقدیر قیمت اولنسی حقننه کی اصول مذکوره
اموال غیر منقوله حقننه موضوع وخصوص اولوب
بونک اموال منقوله به شمولی اوله میه جگندن عندالمزایده
خزینه نامه اوله رق اموال و ذخائر مبحوث عنایه مال
مدیرلکی جانندن سوریلان پیدن زیاده بدل ایله اموال
مذکوره به طالب بولنمسنه نظراً اموال مذکوره نك
تقرر ایدن بدل مقابلنده خزینه جلیله به احاله سی
لازم کله جکی جوابی ویرلشددر.

محاکمه قمریه

آلتی آی تعقیب دعوی ایتیمان مستأنفک
سقوط دعواسنه قرار اعطاسی حکم ابتدائینک
فسخنندن اول اوله بیلوب بعد الفسخ حق محاکمه
کهنه موقتاً سقوطنه قرار ویرلمسی لازم
کله جگنه دائر محکمه تمیز هیئت عمومیه سنجه اعطا
قلنسان ۱۱ تموز سنه ۳۱۷ تاریخی اعلامدر:
درسعادته قوم قپوده استاسیون جوارنده مقیم

قالبقرطبه الى بويجي اوغلي صماحي طنائس ايله قره مرسل قصبه سنده مقيم طاهر پاشا زاده طاهر وويى بكار بينده متحدث دعوايه دأر اذميد بدایت محكمه سندن استيناف محكمه سى صفتيله و ۱۷ كانون ثانی سنه ۱۳۱۶ تاريخي وسکسان ايکى عددی ايله ويريلان اعلام محکمه تميزك هيئت عموميه سنجيه بالتدقيق اصرارى حاوی اولديني قرار کير اولدقن صکره اعلام مذکور طرفينك اعتراض وجواب لايحه ليله بالمطالعہ تدقيقات تميزه اجراسنه ابتدار قلندی.

اعلام مذکورک خلاصه مالى مرقوم طنائس ايله مومى الیها طاهر وويى بکار بينده متحدث ضرر وزيان دعواسنه دأر اقامه اولنان استيناف دعواسنك سقوطی متضمن مقدما ويريلان اعلامك عند التميز اسباب قانونيه بناءً نقض واعاده اولنمی اوزرينه لاجل الحاکمه تعين قتلان کونده مستأنف طنائشك ورود ایتام سینه مبنی اصول محاکمه حقوقیه قانونك یوز قرق ايکنجی و یوز قرق اوچنجی ماده لری مو- جنبه استيناف استدعاسنك ابطاليله حق محاکمه ك موقتاً سقوطنه دأر اعطا قتلان اعلام عليه مرقوم طنائس طرفدن ويريلان اعتراض علی الحكم عرضحالی اوزرينه وجاهاً جریان ایدن محاکمه وتدقيقات نتیجه سنده مقدما درجه اولی اعلامك عند الاستيناف فسخيله دعوانك يکدن رؤيه قرار ویرلش ومستأنف طنائش بدایت محکمه سنده کی حاله عودت ایتامش اولسنه و بدایه کلیان مدعیلرک استدعائرينك ابطاليله حق محاکمه ك موقتاً سقوطنه قرار ویرلشی احکام قانونیه ایجابدن بولنسنه و محکمه استینافیه ده دخی مستأنفك تعقیب دعوی ایتام سندن طولانی اصول محاکمه حقوقیه قانونك یوز طقسان دردنجی ماده سى موجبجه دعواسنك سقوطی مقتضیات قانون- نیه دن بولنسنه بناءً اصول مذکورک یوز الی سکرنجی ماده سى حکمه توفیقاً قرار سابق منقوضده اصرار اولنسنه حکمدن واشبو حکم عليه سنده مستدینك لایحه سنده محرر خلاصه اعتراضی محکمه تميزك قرار واقعه قارشو محکمه استینافیه جه قرار ساشده اصرار ایدلسی مغایر قانون اولدیغندن بمثل اعلامك قضی استدعاسندن ومدعی عليهمانك لایحه لرده مندرج نتیجه جوابلری دخی محکمه استینافیه ك اصرار

قرارنده اصابت قانونیه اولدینی بیانیله اعلامك تصدیق طلبدن عبارتدر.

ایجابی لدی المذاکره اعلام مذکور مندرجانندن مستبان اولدینی اوزره اذمید محکمه سنجیه اعلام ابتدا- ثنك اسباب قانونیه بناءً عند الاستيناف فسختدن صکره مستأنفك آتی آتی تعقیب دعوی ایتام سینه مبنی اصول محاکمه حقوقیه قانونك یوز طقسان دردنجی ماده سنده تطبیقاً استيناف دعواسنك سقوطنه دأر اولان اعلام سابق استینافیه اصرار اولنش ایسه ده اشبو ماده قانونیه حکم ابتدائينك استینافاً فسختدن اول آتی آتی تعقیب دعوی ایتام مستأنفك حقتده قابل تطبیق اولوب دعوی واقعه ایسه اعلام ابتدائی فسخ ایدلکه طرین بدایتده کی حال سابقلرینه رجعت ایلش ومستأنف اولان مرقوم طنائس اساساً مدعی اولق حبسیله تکرار مدعی صفتی اکتساب ایتش اولسنه و بوضوئله اعلام ابتدائينك فسخی اوزرينه محکمه استینافیه جه کرک غیاباً و کرک وجاهاً جریان ایدلکه معامله ك محکمه بدایتده جاری اولان اصول وقواعد وجهله اجرا اولنه جنی اصول محاکمه ك یوز طقسان بشنجی ماده سیه یوز طقسان بدنجی ماده سى فقره اخیره سى و یوز طقسان طقوزنجی ماده لری مقتضیاتدن بولنسنه نظراً اصول مذکورک یوز آتمشنجی ماده سى منطوقجه مدعی مرقومك اعتراض علی الحكم حق باقی قالمق اوزره قانون مذکورک یوز قرق ايکنجی ماده سینه توفیقاً حق محاکمه ك موقتاً سقوطنه قرار ویرلک لازم کلورکن بر منوال محرر یوز طقسان دردنجی ماده سیه تطبیقاً حق استینافينك سقوطنه قرار ویرلکه اولجه مفسوخیتی قرار آلتنه آلتان اعلام ابتدائی به اکتساب قطیعت ایتدیرلمسی مخالف اصول وقانون اولوب محکمه تميزك نقض سابقی دخی اشبو نقطه قانونیه مبنی بولدینی حاله محکمه استینافیه جه بوجهت نظر دقه آلتیه رق قرار سابق استینافیه اصرار ایدلسی یولسر و اصول وقانونه مخالف ومستدینك اعتراضی دخی بوجهت متدائر اولوب شایان قبول کورنمش اولدیغندن قانون مذ- کورک ايکى یوز اوتوز ايکنجی ماده سى موجبجه اعلام مذکورک تقضیه ایکی یوز قرق طقوزنجی ماده سى حکمه توفیقاً کیفیتك بر منوال محرر اعلامه ربطی ضمتنده محکمه مرقومیه اعاده سنده ومستدینك فقر حالته مبنی صورت وتبلیغ خرجلرندن عقوبه زیرده مفرداتی مرقم یوز یکرمی یدی بقی غروش مصارف ساژده ك ایلروده حقسزلنی تین ایدلکه طرفه رجوع ایتك اوزره اول امرده مستدعی طنائشدن استیفا سنه ۱۱ تموز سنه ۱۳۱۷ تاریخنده اکثریت آرا ايله قرار ویرلدی.

عسا کر شاهانه مفرزه سنه قتل قصدیه استعمال سلاح ایلدکلری ادعا قلم سندن طولانی متهم بولنان برانه ك بودیمه قریه سى اهالیسندن لازار ولدملوش و پولیچه قریه یی ردیسار ولد طومونك اوچر سنه مدته کورکه قوللرینه دأر یکی بازار سنجای بدایت محکمه سى جزا دأر سندن ويريلان ۱۷۶ نومرولی اعلامك ۵ مایس ۱۳۱۷ تاریخنده تصدیقه

بك پازاری قضاسنك قزغایار محله سندن بقال منلا ابراهیمك دکانی قوسنه آختار اویدیره رقی نقود واشیاسی سرقه تصدی ایتدکلری ادعاسیه جنبایله متهم بولنان قضاء مذکورک افه خواجه محله سندن بربر اسماعيلك اوچ سنه مدته کورکه قوللرینه و دیکمانلی مصطفانك برائنه دأر انقره ولایتی استيناف محکمه سى جزا دأر سندن ويريلان ۱۸ نومرولی اعلامك ۳۱ مایس ۱۳۱۷ تاریخنده تصدیقه

تیه دن قضاسنك قالنواج قریه سندن نسبه خاتونك ضرباً وقوبولان قتلدن طولانی جنبایله اتهام اولنان قریه مذکور اهالیسندن لایحه ولد لولونك بش سنه مدته کورکه قوللرینه دأر ارکری سنجای بدیت محکمه سى جزا دأر سندن ويريلان قرق نومرولی اعلامك ۲۶ حزیران ۱۳۱۷ تاریخنده تصدیقه

کورینان قریه یی فطو ولد منو وها کو ولدهرسو ویوسف بن آو عثمان بن بوشونك انشای راهده اوکته چقه رقی اشبارنی اخذ وغضب ایتدکی ادعاسیه جنبایله اتهام اولنان حسنجر قریه یی محمد بن مصطفانك اوچ سنه مدته کورکه قوللرینه دأر سعرد سنجای بدایت محکمه سى جزا دأر سندن ويريلان ۱۲۵ نومرولی اعلامك ۲۸ حزیران ۱۳۱۷ تاریخنده تصدیقه

علیجو اوغلی اسماعیل جرح و قتل ایلدکی ادعا قلم سندن طولانی جنبایله اتهام اولنان ازبیه قضا- سنك ترکملر قریه سى اهالیسندن تیمورجی علی بن اسماعيلك اون بش سنه مدته کورکه قوللرینه دأر قلعه سلطانیه سنجای بدایت محکمه سى جزا دأره - سندن ويريلان ۴۹۱ نومرولی اعلامك ۱۶ تموز ۱۳۱۷ تاریخنده تصدیقه

صو شهری قضا سنك باروی بالا قریه سندن خندان اوغلی عثمانك اغیل باجه سنی هدم ایدرک اغنامی سرق ایتسندن طولانی جنبایله اتهام اولنان قضاء مذکورک کوزی کوچك قریه سندن مدبر اوغلی حسینك اوچ سنه مدته کورکه قوللرینه دأر قره حصار شرقی سنجای بدایت محکمه سى جزا دأره - سندن اعطا اولنان ۲۸۸ نومرولی اعلامك ۱۶ تموز ۱۳۱۷ تاریخنده تصدیقه

مرالطونیه داونيك خانه سى دیوارندن آشه رقی

بالدخول اشیاسی سرق ایتدکی ادعاسیه جنبایله اتهام اولنان اورام یوسف ولد نسیمك اوچ سنه مدته کورکه قوللرینه دأر سلانیک ولایتی استيناف محکمه سى جزا دأر سندن ويريلان ۱۲۶ نومرولی اعلامك ۳۰ تموز ۱۳۱۷ تاریخنده تصدیقه

بولی سنجاغنه تابع کورکه صو ناحیه سنك مستجی چله قریه سى اهالیسندن عبور اوغلی محمدك مخدومی حسینك کیفیت قتلدن طولانی جنبایله متهم قریه مذکور اهالیسندن خالد بن مولودك اون بش سنه مدته کورکه قوللرینه دأر لواء مذکور بدایت محکمه سى جزا دأر سندن ويريلان ۴۷۰ نومرولی اعلامك ۱۸ اغستوس ۱۳۱۷ تاریخنده تصدیقه

آمریقا دولتی تبعه سندن موسیو جان ماتینك نقود واشیاسی غصب ایتلرندن طولانی جنبایله متهم بولنان ابراهیم بن محی الدین الکلی وسلم بن احمد الشامینك اوچر سنه مدته کورکه قوللرینه دأر سوریه ولایتی استيناف محکمه سى جزا دأر سندن ويريلان بر نومرولی اعلامك ۲۰ ایلول ۱۳۱۷ تاریخنده تصدیقه محکمه تميز جزا دأر سنجیه قرار ویرلشد.

غلطه پنائی کلیساسی زقاعنده صندالجی یونانی یورکینك کیفیت قتلدن طولانی متهم بولنان آرتسود یورکینك اجرا قتلان محاکمه سى نتیجه سنده متهم یورکی ولد دیمترينك اوچوز اون بر سنه سى مایسنك یکرمی دردنجی چهارشنبه کونی اقشای غلطه ده قیو ایچنده پنائی کلیساسی زقاعنده صندالجی یورکی جرح و قتل ایلدکی مقتولك قبل الوفات ضبط اولنان افاده سى وشاهدلرک علی الدرجات واقع اولان شهادتی ومعاینه راپوری مندرجاتی ودلائل وامارات ايله ثابت اولدیغندن مرقومك بالهور قتل فعلنك فاعلی ومرتکبی اولق اوزره مجرمیتنه وقانون جزانك یوز تیش دردنجی ماده سنك فقره اولیسنه توفیقاً اون بش سنه مدته کورکه قوللرینه

بوغاز کسانده سید علینك قتل قصدیه جرحندن طولانی متهم بولنان علینك اجرا قتلان محاکمه سى نتیجه سنده متهم علینك اوچوز اون یدی سنه سى اغستوسنك برنجی کیچه سى بوغاز کسانده برلکده ساکن بولندقلری اوطعه سید علی بی جرح ایتدکی اخبارات ودلائل وامارات ومعاینه راپوری مندر- جانیه ثابت اولدیغندن مرقومك یکرمی کوندن زیاده خسته لسنی موجب اوله جق صورته سید علی بی جرح ایتك فعلنك فاعلی اولدیغنه وقانون جزانك یوز تیش سکرنجی ماده سى موجبجه آتی آتی حبسنه ومصارف جراحیه اولق اوزره اوچوز غروشك تحصیلیه

مدعی شخصی به ویرلسنه اجرا قتلان محاکمات نتیجه سنده محکمه جنبایله حکم اولمشدر.

غلطه ده یورغانچیلر باشنده ساکن ایرانی درویش بن ابوبک دعوی وکیلی بلال ناجی افندی به اطاله لسان ایتدکی تحقیق ایتدیکندن یکرمی درت ساعت حبسنه کتبه دن محمد هدایت افندی حق دخولی اولدینی حالد قاسم پاشاده واقع به مرز خاتمک باغچه سنه کیردرک مزبوره اطاله لسان ایلدکی آکلاشایدیغندن برهفته حبسنه

پایاس کورلرسنده ساکنه صوفیه قادینك دقتسرنك ونظاماته رعایتسرنلکه حریق ظهورینه سببت ویردکی آکلاشایدیغندن اوچ کون حبسیله برلیرا جزای نقدی اخذینه

سودجی داویدك اشیاسی سرق ایلدکی ادعاسیه مظنون بولنان طوبخا حده صباچی قهوه سنده مقيم صالح بن اسعدك اوچ ماه حبسنه

نام آخره اولان مرور تذکره سنی استعمال ایدن یوزاجی ریزلی چاقور بن ویسلدن بش بشلک جزای نقدی اخذینه

کبابچی محموده تشهیر سلاح ایدن ترکلجی چراغی ادرنه لی سالم بن مصطفانك برهفته حبسنه

بقال میخالک اشیاسی سرق ایدن غازی نیقولی نام دیگر پترينك اوچ ماه حبسنه و ختام مدتنده ضبطه جه کفالت آلتنه آلمسنه

پولیس کامل افسدی بی ضرب ایدن ژاندارمه بلوک امینی عزیز آغادن بر آلتون آلتیه رق مضروب اعطاسنه

بك اوغلنده موسیو بیکرک مغازه سنده دستکاهدار میخالک بی ضرب و جرح ایدن فری کوی یکجیلرندن قوری چایی احمد بن محمد یکرمی کون حبسنه

غلطه ده قفسجی زقاعنده ساکن آتشیچ استفو ولد یانی ايله غلطه ده کرج قیوسنده اقامت ایدن قوجو ولد یانینك صباحه قارشو غلطه ریختنندن کمی زنجیری سرق ایتدکلری تحقیق ایتدیکندن دردماه حبسیله و ختام مدت جزایه لرده ضبطه جه کفالتیه ربط اولملرینه

یکی محله مرکزنده مستخدم پولیس اردکولی علی افندیك مجروحیتنه سببت ویرن شکرچی کنگرلی بکر بن سلیمانك برهفته حبسنه

آشچی ایرانی لطفاه آغای ضرب ایدن میوه- خشک کمرکی ملازملرندن احمد حاجی افندیك اون کون حبسنه

چارشوی کیرده ترزی واسیلا کینک چراغی نیقولی بی ضرب ایدن مکتب طبیه طلبه سندن ۳۵۲۰

نومروده مقید احمد افندیك اون کون حبسنه

سیغاره کاغذی تاجری سفر اوغلی نیقولاکی افندی بی ضرب ایدن دعوی وکیلی قیصریه لی طودوراکی افندیك اون کون حبسنه

غزیه موزعی اسماعیل افسدی بی ضرب ایدن صباح غزیه سى اداره مأمورلرندن علی افندیك بر آلتون التوب مضروب اعطاسنه

یکدیگر بی ضرب ایدن بك اوغلنده بربرلك ایدن ایتالیا دولتی تبعه سندن جوزف ايله فرانچله جی زقاعنده ساکنه استاطه بنت یانینك برهفته حبسیله

خاصکویده عرب به جیار موقعده مستخدم پولیس موسی افندیك باقتالیده ساکنه شاهنده خاتمک خانه سنه طاش آتمق صورتیه ایراث خسار ایلدکی ثابت اولدیغندن اوچ کون حبسنه

یکی جامع مشریف حویلسنده بربرلك ایدن بالبان اوغلی عثمان بن ابراهیمك غلطه ده قفسجی زقاعنده ساکنه استرینه یوده بی ضرب و جرح ایلدکی تحقیق ایتدیکندن بش ماه حبسنه

طرز زولنی عثمان آغایه اطاله لسان ایدن واپور- لرده لوسترومو محمد شکریدن یازم لیرا جزای نقدی اخذینه

تفنگ تمعیرجیسی یانی ولد قوجونك یدنده اجزای ناریه بولندیقی ثابت اولدیغندن باروت نظامنه مه سنك اون بش واون آلتنجی ماده لری موجبجه یدی یوز آتمش غروش جزای نقدی اخذینه

سر سربلکی تحقیق ایدن مهران نام شخصك سر سبری نظام نامه سنك اوچنجی ماده سى موجبجه بر آری حبسنه واکال مدت ایتدکلن صکره ضابطه جه تسبب اوله جق محله طرد و تبعیدینه

قاسم پاشاده ساقز آغاچنده حسن پاشا زقاعنده ساکن حسن بن امین ايله کبابچی علی زوجیه سى کلعدارک یکدیگر بی ضرب و جرح ایتدکلری ثابت اولملغه بر هفته حبسیله

یکی محله ده حمالرخانی اوطه باشی نیقولی بی ضرب ایدن باغچی نیکه لی یوردانك برهفته حبسنه در سعادت و بك اوغلی بدایت محاکم جزا دأر لرجه قرار ویرلشد.

وان ولایتی مرکز بدایت محکمه سى حقوق دأره سى رئیس سابق اولوب کچنده اداره عزلی وقوع بولمش اولان قدری افندیك اسباب عزله قارشی مدافعه اعطا ایلدکی عرضحالی اولبالده کی اوراق انضالیه وسائر سیه برلشدیرلکه انجمن انتخابجه اجرا قتلان تدقیقات نتیجه سنده استخدا می مانع بر حالی کوریلده مه رک جواز استخدا منه قرار ویرلشد.

الاعلانات

تجارت بحرية محكمة سنده :

استانبولده چاقاچيلار يقوشنده ١١٩٩ نومرولرله مرقم مغازه لرده مقيم س . س . دلسيزيان برادرلرک ١ کانون اول سنه ٣١٧ تاريخندن اعتباراً اعلان افلاسه و مصالح افلاسيه نکر رؤيت وتسويه سي ضمننده اعضا ملازمي عزتلو ايوب صبري بکک ژوژ قوميسر و آرتين طوپطاش افندي نکر موقت سنديک تعيينلرينه و مغازه لريله اشياي زائده بيتيه لرينک تمهيري نه واوراق دفاترينک جلبه و کفالت اراه ايدمه زلر ايسه حبس وتوقيفلرينه وبوبايده کي قرارک موقتاً اجراسنه محکمه تجارت بحريه ججه قرار ويرلش اولديغندن قانوننامه تجارتک ١٧٠ نجی ماده سي موجب ججه دائمي سنديکلر انتخاب اولمق اوزره ٣١٧ کانون اولنک ١٧ نجی بازار ايرتسي کوني ساعت يدي راده لرنده اصحاب مطلوبک محکمه مذکورده نکر افلاسه مخصوص اولان او طه س نه کلري لزومي اعلان اولنور.

ايکنجی محکمه تجارنده :

غلطه ده قوميسيون خانی آلتنده کي دکانده اجرای تجارت ايدن خفاف داميانوس پاپاسيانک ٣ کانون اول سنه ٣١٧ تاريخندن اعتباراً افلاسه و معاملات افلاسيه نکر ايفاسي ضمننده اعضاي محکمه دن سعادتلو علی رضا بکک ژوژ قوميسر و دعوی وکیللرندن فلبه لی کال افندي نکر موقت سنديک تعيينه و مفلسک تجارتکاهنک تمهيري له کندي وفاملياسنه الزم قسمنک تفریقندن صکره متباقي اشياي بيتيه سنک ثبت دفتر ايديله رک محافظه س نه واشبو قرارک موقتاً اجراسنه در سعادت ايکنجی تجارت محکمه سنندن قرار ويرلديکی جهته له قانوننامه تجارتک ١٧٠ نجی ماده سي موجب ججه مفلس مرقوم ذمتنده آلاجنی اولانلرک موقت سنديکلرک اصلته تحویلی وياخود يکيدن سنديک انتخاب وتعييني حقتده مومي اليه ژوژ قوميسر بک ايله استشاره اولمق اوزره اشبو ١٣١٧ سنه سي کانون اولنک اون يدينجی بازار ايرتسي کوني ساعت يديده ايکنجی تجارت محکمه سنک افلاس او طه س نه کلري اعلان اولنور.

باغچه قپوسنده راسم پاشاخانی آلتنده ١٥ و چارشوی کيبرده قالباچيلار باشنده ٢٩ نومرولر ايله مرقم مغازه لرده اجرای تجارت ايدن جانفسجي خرستو طرياندا فيايدی و قومپانيه سنک ٣ کانون اول سنه ٣١٧ تاريخندن اعتباراً افلاسه و معاملات افلاسيه نکر ايفاسي ضمننده محکمه اعضا ملازمي عزتلو يانقو افندي نکر ژوژ قوميسر

و دعوی وکیللرندن سناط کاتيان و آگاه افنديلرک موقت سنديک تعيينلرينه و مفلسک تجارتکاهنک تمهيري له کندي وفاملياسنه الزم قسمنک تفریقندن صکره متباقي اشياي بيتيه سنک ثبت دفتر ايديله رک محافظه س نه واشبو قرارک موقتاً اجراسنه در سعادت ايکنجی تجارت محکمه سنندن قرار ويرلديکی جهته له قانوننامه تجارتک ١٧٠ نجی ماده سي موجب ججه مفلس مرقوم ذمتنده آلاجنی اولانلرک موقت سنديکلرک اصلته تحویلی وياخود يکيدن سنديک انتخاب وتعييني حقتده مومي اليه ژوژ قوميسر افندي ايله استشاره اولمق اوزره اشبو ٣١٧ سنه سي کانون اولنک اون يدينجی بازار ايرتسي کوني ايکنجی تجارت محکمه سنک افلاس او طه س نه کلري اعلان اولنور.

درعليه ده سقا يقوشنده کي مغازه سنده اجرای تجارت ايدن کر قور کر قور يانک ٣ کانون اول ٣١٧ تاريخندن اعتباراً افلاسه و معاملات افلاسيه نکر ايفاسي ضمننده اعضاي محکمه دن فضيلتو نجم الدين بکک ژوژ قوميسر و دعوی وکیللرندن باراويان او خانس افندي نکر موقت سنديک تعيينلرينه و مفلسک تجارتکاهنک تمهيري له کندي وفاملياسنه الزم قسمنک تفریقندن صکره متباقي اشياي بيتيه سنک ثبت دفتر ايديله رک محافظه س نه واشبو قرارک موقتاً اجراسنه در سعادت ايکنجی تجارت محکمه سنندن قرار ويرلديکی جهته له قانوننامه تجارتک ١٧٠ نجی ماده سي موجب ججه مفلس مرقوم ذمتنده آلاجنی اولانلرک موقت سنديکلرک اصلته تحویلی وياخود يکيدن سنديک انتخاب وتعييني حقتده مومي اليه ژوژ قوميسر بک ايله استشاره اولمق اوزره اشبو بیک اوچوز اون يدي سنه سي کانون اولنک اون يشنجی ججه ايرتسي کوني ايکنجی تجارت محکمه سنک افلاس او طه س نه کلري اعلان اولنور.

باغچه قپوسنده اجرای تجارت له مشغول ايکن وفات ايتش اولان صراف واسيلاکی لاغوبولونک ٢٩ تشرين ثاني سنه ٣١٧ تاريخندن اعتباراً افلاسه و معاملات افلاسيه نکر ايفاسي ضمننده اعضا ملازمي عزتلو يانقو افندي نکر ژوژ قوميسر و دعوی وکیللرندن ماھر ونيقولاکی لغوتی افنديلرک موقت سنديک تعيينلرينه و مفلسک تجارتکاهنک تمهيري له کندي وفاملياسنه الزم قسمنک تفریقندن صکره متباقي اشياي بيتيه سنک ثبت دفتر ايديله رک محافظه س نه واشبو قرارک موقتاً اجراسنه در سعادت ايکنجی تجارت محکمه سنندن قرار ويرلديکی جهته له قانوننامه تجارتک ١٧٠ نجی ماده سي موجب ججه مفلس مرقوم ذمتنده آلاجنی اولانلرک موقت سنديکلرک اصلته تحویلی وياخود يکيدن سنديک انتخاب وتعييني حقتده مومي اليه ژوژ قوميسر افندي ايله استشاره

اولمق اوزره اشبو ٣١٧ سنه سي کانون اولنک ١٣ نجی پچشابه کوني ايکنجی تجارت محکمه سنک افلاس او طه س نه کلري اعلان اولنور.

چارشوی کيبرده آينه جيلر زقاغنده بلا نومرو مغازه ده چوقه تجارندن مؤييز آتچاک ١ کانون اول سنه ٣١٧ تاريخندن اعتباراً افلاسه و معاملات افلا - سيه نکر ايفاسي ضمننده اعضاي محکمه دن فضيلتو نجم الدين بکک ژوژ قوميسر و دعوی وکیللرندن ساچم حسنی و شمعون لوی افنديلرله اصحاب مطلوبدن «ری» علكسيادي نکر موقت سنديک تعيينلرينه و مفلسک تجارتکاهنک تمهيري له کندي وفاملياسنه الزم قسمنک تفریقندن صکره متباقي اشياي بيتيه سنک ثبت دفتر ايديله رک محافظه س نه واشبو قرارک موقتاً اجراسنه در سعادت ايکنجی تجارت محکمه سنندن قرار ويرلديکی جهته له قانوننامه تجارتک ١٧٠ نجی ماده سي موجب ججه مفلس مرقوم ذمتنده آلاجنی اولانلرک موقت سنديکلرک اصلته تحویلی وياخود يکيدن سنديک انتخاب وتعييني حقتده مومي اليه ژوژ قوميسر بک ايله استشاره اولمق اوزره اشبو بیک اوچوز اون يدي سنه سي کانون اولنک اون يشنجی ججه ايرتسي کوني ايکنجی تجارت محکمه سنک افلاس او طه س نه کلري اعلان اولنور.

ملکجه کبير قضاي اصرا مأمورينده : در سعادتده بالی بازارنده آرسلان خاننده مقيم قوجه باش اوغلی بدوسا کينک بيوک چکمه ججه قصبه - سنده مقيميه ساقزلی استراپی زوجهي قاتقوذمتنده کي معلوم المقدار آلاجننک تأمين استيفاسي ضمننده قضاء مذکورده تابع انارشه قريه سنده آغل موقعده کائن بر باب يل دکرماننده اولان نصف حصه سي حجز آلتنه آلمش اولديغندن تاريخ اعلاندن اعتباراً اون بش کون صکره بالمزايدة فروختي مقرر بولنديغی اعلان اولنور.

بيوک چکمه ججه قصبه سنده مقيم فابريقه جي مانولا - کينک شهر فوس قريه سنده اقامت ايدن مدليلی ليغوراکي ذمتنده با اعلام محکوم به آله جفتک تأمين استيفاسي ضمننده مديون مرقومک عهده تصرفنده يالوس قريه سي حدودنده قوم برغوس يولی موقعده وتحرير املاک قيدينک التمش ايکی نومروسنده مقيد درت دوم ايکی اولک ترلا ايله الی درت نومروده مرقم درت دوم برقطه باغنک تاريخ اعلاندن اعتباراً اون بش کون صکره بالمزايدة فروخت ايديله جکی بيوک چکمه ججه اجرا مأمورلغندن اعلان اولنور.